

sujulekutât.

amerdlume palasiugatdlarama malugissarpâka ilinialer-
-sut atuainiutit nâmagtut ajorssautigigait, atuagarssuit mêt-
-kat issigalugit atuagautigissartagait pâkartingitsarigamikik.
taimâitumik kalâtdlit nunânikatdlarama pilerssârpunga ag-
-dlangniarumagaluardlugit ilinialersut atuainiutigssait nâ-
-magtut, palasitdlo ajokersuissutdlo misigssuissortâta inang-
-manga, ôkâtârniaraluarpâka nugterdlugit najorkutaralugitdlo
atuagkat taimâitut kavdlunâne atertagkat; kalâtdlitdlo nang-
-minek okautsimingnik ilisimanertaisa agdlagainik ilakar-
-titdlugit iluarnerusangmat, aitsât mâna nakitigaulerput.

atuagkat mâko âipakarput. sujugdît mâko aitsât ilí-
-nialersut mêtakat mingnerit atuarkâgagssait ajornângineru-
-ssunik imakarput: okalgantuanik nalinginarnik: âipainile
âssiliartalingne mêtakat angnerit inûsugtutdlo atuagagssaine
sapíngisavnik navsuiarfiginiaraluarpâka silarssuarmik kanok
issusianigdlo pekuterpagssuinigdlo, mēraunerningnit agdlât
nalujungnailerkuvdlugo silarssuak tupingnartumik píngorti-
-taussok táussumíngalo pekuterpagssuinigdlo píngortitsissok
pârssissordlo ajugakángitsok ilisimassorssuardlo, Gûte atâ-
-tarput, ugperfigerkuvdlugo tatigerkuvdlugulo. tamâko tâ-
-maisa okautigísavdlugit misigissaravkit kalâtdlit okausê a-
-migartartut uvangalûnît ilisimavdluángíkíka, okautsit nu-
-taukânersut atortarpâka nâmagsimanersunigdlo okausigssar-
-siordlunga atugaralugit okautsit kalâtdlit kalâtdlisutdlo o-
-kalugtartut agdlagtartutdlo atortagait. píngârtumik najor-
-kutarâka ajokítigssat ajokersuissuata kalâtdlit okausínik
ilisimangârtup Kleinschmidtíp agdlagai, ilait nailisítldlugit,
okalugtuarigavkit ûmassut nunatdlo, ilaitdlo iláinarsiordlugit,
okalugtuarigavkit silame iliornerit.